

《佛說無量壽經》 補充講表

◎附表三十一：以下糅合《佛說無量壽經甄解》

○蓋證性之時，智外無理，理外無智；智理冥合，謂之智如理如，故曰如如也。

一、如理智：又名根本智，如，契合之義，契合於真如理體（真諦）之真智，此智乃是照了世俗有為事相「俗智」之根本，故亦名「根本智」。又作「根本無分別智」，以此智對於所緣真如理體，如實照了，完全無所分別；所謂：心境相稱，能所一如，不二不異，平等無別也。故無著菩薩於《攝論》卷下云：「與境無差別，智名無分別。」

二、如量智：又名後得智，即照了俗諦森羅萬象之俗智，此智照了俗諦事相，一切皆如夢幻泡影，而不生起我法二執也。又此智乃生於根本智之後，故名「後得智」。故《成唯識論》卷十云：「了俗由證真，故說為後得。」

○猶如大地，淨穢好惡無異心故；……如師子王，無所畏故。曠若虛空，大慈等故。

從猶如大地，至蓮華無染，六喻是自利。從猶如大乘，至若虛空大慈等故，十三喻明利他。

○猶如大雨，雨甘露法潤眾生故：《普門品》云：「澍甘露法雨，滅除煩惱焰。」

○金剛山：即鐵圍山。佛教之世界觀以須彌山為中心，其周圍共有八山八海圍繞，最外側為鐵所成之山，稱鐵圍山。即圍繞須彌四洲外海之山。

○梵天王：初禪三天，統稱梵天。因無量清淨，故名梵天。包括一、梵眾天，二、梵輔天，三、大梵天。大梵天也叫大梵天王。佛成道以後，最初來祈請佛轉法輪的就是梵天王。

○尼拘類樹：慧琳音義卷十五云：「此樹端直無節，圓滿可愛，去地三丈餘，方有枝葉，其子微細如柳花子。唐國無此樹。」亦云：「縱橫樹」也。此樹的樹蔭很大。智論八云：「婆羅門言，我曾道中，見一尼拘類樹，蔭覆賈客五百乘車，蔭猶不盡。」

○優曇鉢華：此云：瑞應亦靈瑞，三千年一出，今喻菩薩教法難值也。

○金翅鳥：如金翅鳥，食毒龍故，喻勇猛威力，降伏外道。為八部眾之迦樓羅。屬畜神。

○如眾遊禽，無所藏積故；即千百億化身。

唐譯云：「無所聚積，猶如飛鳥。」宋譯云：「如空中禽，無住處故。」

○牛王：《勝鬘經》云：「又如牛王，形色無比，勝一切牛。」

○善調伏故：善於診斷眾生的煩惱，如貪、瞋、癡等，並能夠針對煩惱的輕重，對症下藥。

○摧滅嫉心，不忌勝故。

《占察善惡業報經義疏》云：「隨喜，滅嫉妒障，故亦名悔。一切諸佛，三乘聖眾，六道

凡夫，並皆在我現前一念心中同一體性，本無彼此。由我執故，妄計自他而生嫉妒。今悔此過，深于一切凡聖平等起隨喜心，則是攬法界善以為己善，其善乃大，豈必獨自運心動身口業以為善哉！」

○專樂求法，心無厭足。常欲廣說，志無疲倦。

《集一切福德三昧經》云：「善男子！乃往過世阿僧祇劫無量無邊不可思議。爾時，有大仙人名曰：最勝，住山林中具五神通，常行慈心。……作是念言：有二因緣能起正見：謂從他聞，聞已正思，以是二法能生正見。……若有菩薩恭敬求法，則於其人，佛不涅槃，法亦不滅。」

○擊法鼓，建法幢，曜慧日，除癡闇。

《佛說無量壽經義疏》曰：「言擊法鼓，喻聞慧法。鼓聲遠被，名擊法鼓。建法幢者，喻思慧法，立義稱建，義出名幢。言曜慧日，除癡闇者，說修慧法，開眾生也。」

○為世燈明，最勝福田。常為師導，等無憎愛，唯樂正道，無餘欣戚。拔諸欲刺，以安群生。

《普賢行願品》云：「於諸病苦，為作良醫。於失道者，示其正路。於闇夜中，為作光明。

於貧窮者，令得伏藏。」

○正念止觀，諸通明力。

《大乘起信論》云：「心若馳散，即當攝來，住於正念。是正念者，當知唯心，無外境界。

即復此心，亦無自相。念念不可得。」

《大乘起信論》云：「唯除坐時專念於止，若餘一切，悉當觀察應作不應作。若行若住，

若臥若起，皆應止觀俱行。所謂雖念諸法自性不生，而復即念因緣和合，善惡之業，苦樂等報，不失不壞；雖念因緣善惡業報，而亦即念性不可得。」

○修空、無相、無願三昧，不生不滅諸三昧門。

《成唯識論觀心法要》卷八云：「空解脫門，知徧計空。無願解脫門，於他法無所願求。

無相解脫門，證圓成實，離有無相也。」

※徧計所執性：亦稱之為分別性，乃是由於無明不覺故，妄執依他之虛相為真實相，如我法二執等；而徧計執即是周徧計較，分別執著之意。

《成唯識論觀心法要》卷一云：「圓成實性，即二空所顯真如。」